




乾隆盩厔縣志



(清)

楊儀
王開沃
纂修

本書十四卷，據清乾隆五十八年
（一七九三）補刻本影印。

重修縣志序

余於乾隆辛丑秋承乏蓋邑越
明年會有差調去繼任者為莊
君李君時邑人士以重輯志乘
請事上 大府報可屬鎮洋王
先生秉筆焉王固領邑諄席有
年於此地之疆理山川土田民
物官師典故宜其析焉精辨焉
詳也乙巳夏開纂余適還莅相
與商確訂正至秋仲歲事得書
十四卷夫修志之役動稱因舊
者易為力每有據成書畧點染

竄易沿訛儼偽依樣葫蘆及稍
稍綴入近事規撫舊文增展卷
帙便稱新本殊不免荒陋之謂
至一二淹通之士又欲變換前
人務標竒立異相矜詡瑕疵動
摘壁壘競新而於簡明覈要之
體裁究未恰合是均失也昔趙
子函跋武功志云今人志與古
人異博雅不足其弊俚褻貶無
當其弊妄則續修之難更有難
於創也審矣舊志成自明嘉靖
年至

本朝康熙雍正間駱章董三君子嗣修乾隆己巳洎陽鄒君復加增葺較前事倍文詳然卷中百年来蕪詞履蹟踈盤日甚矧今去鄒君時又三十年其間水利之通塞物產之登耗賦役之去

三

存以及職官選舉人物類需增益別偽存真因創兼有尤不容不慎厥事也書成例上各憲鑒定值屢更調不果余又得從容覆核之遲四月始付鈔仰惟

聖天子重熙累洽文治日光各省郡

邑志漸臻美備余不敏躬與修明亦惟是不敢假易之心藉手上報以備採風者設教觀民之一助是余之厚幸也夫

皆

乾隆五十年歲在乙巳嘉平上

四

浣知縣新城楊儀翊亭氏謹序



舊序

周官方相氏掌境內輿圖之事即後世志之所由作漢龍門扶風諸家乃志之鼻祖也蓋置自漢然自漢迄唐皆為圍囿地故無志宋以後宜有志而亦弗傳不解也今志創自有明邑人王兩曲至

本朝駱章二公續修之予於丙寅冬承乏茲邑於山川見終南渭河之大於城邑見恒州宜壽之古於政治見白蘇二公之清風於人物見趙王諸公之亮節且於文見曼倩長卿之樸茂於詩見香山東坡之風流至若穆王乘駿樂奏元池武帝射熊榭成五柞他如草樓牛柏黑水龍潭地以人傳皆歷歷可數竊自以為志之所載必

蓋屋縣志卷之一

舊序

一

詳盡靡有缺遺堪佐考訂者之一助不期於緝閱之下見記載者僅十之半而遺逸者亦不啻十之半不禁掩卷而太息者久之夫蓋固周秦漢唐之名區也人物事蹟文章散見於史籍及他說者往往如美玉精金光彩不可掩沒而舊志皆逸而弗載幽光潛德之謂何豈所以光邑乘輝梓里哉因不敢自諉將一切邑事之有見諸卷帙者悉為收羅補入共分前後十五卷自捐廉俸付諸剞劂氏然以見聞孤寡搜輯亦多遺亡如山川之變遷建置之沿革仍未能指陳明悉考據精詳人情風土之故紀載仍未能周全善政流風之遺考訂仍未能確實田賦典章仍未能顯如沙畫泥印科名人物仍未

能明如陳璧數珠而且登臨游泳諸勝仍未能使泉石俱芳兵戎水旱諸條仍未能使官民交警至於名篇佳咏散失者常多逸事遺編收羅者甚少費十旬之功力仍復草草成編且以頻年奔走風塵筆花塵濁不特不取與龍門扶風諸家爭史筆之勝且未知兩曲以下諸公相視為何如也惟以職之所掌不敢任其缺如故直書所見以就正於當代賢哲云爾

乾隆十四年歲次己巳仲冬下浣文林郎陝西西安府蓋屋縣知縣紀錄四次隨帶軍功一級洎陽鄒儒歸峯氏撰

蓋屋縣志卷之一

舊序

一

以無修而余之所以修之者則以其分合之有未盡協也序次之有所不倫也收錄之有所太濫也如河渠水利宜附於山川之後不當重序各谷之源流乃舊志於賦役之末一一再列之是一事而兩見矣以至循良本名宦之異稱經師即教職之賢者此皆分之不必分者也如唐之縣尉則今之典史而乃入之縣令之中此為合之不可合者也如節烈婦女未嘗依其世代是為序次之不倫詩文雜著未免率意徇情是為收錄之太濫至其十篇之內魯魚亥豕燕說郢書又不可勝計皆其所不得不為訂正者也若夫甲辰以前有人與事之未載者是所當補甲辰以後有人與事之當列者是所宜

增及今不卽爲修明向後恐漸成湮沒惟是從來纂修舊例類皆徵聘名流委任紳士事同築舍義等輿瓢去取百端雖黃萬狀因而毀譽出其唇吻高下在其毫端所親厚者必曲騰冉閱之稱所仇疾者遂巧織斐非之錦更有啖金諛墓附熱取容賢良孝友久成酬賂之私節義文章大半約交之具魏收穢史滔滔者天下同流董狐直筆稟凜者千秋難再豈惟一邑之簡書如是實恐累朝之信史亦然念此頹風安知紀極余是以痛懲斯弊不欲假手一人雖廣諮詢咸歸獨斷凡夫修廢舉墜必核其真興利除弊務書其實鄉賢名宦矢不輕加匹夫寒士力爲蒐採節義者雖微必錄正以道德可

卷之二

舊序

三

假而性命則真享老年者雖善不書爲其一息尙存而全歸未定獎勵尤先於閭閻闡揚不靳於人奴文以紀事苟有關於境內者不以多列爲嫌詩以採風惟邑人所著作者始爲稍寬其額總之衡人品則寧嚴而無濫採詞章則寧少而無多間有感於胸懷必發舒其議論雖規模次第本無大異於前人而意見指歸惟欲折衷其至是至於知我罪我則聽之後人而已是役也始於中元竣於重九蓋得之簿書之隙退食之餘無假深思徒知一往筆墨疎拙詞意支離寧辭寡財之譏但不敢蹈摸稜之轍爾

康熙二十年歲次辛酉重九日文林郎知蓋屋縣事加

六級會稽章泰來之氏識

嘗讀漢書而知西京山川風物之美輒神往焉以爲是文武武化之基也已亥春奉

命分符蓋邑甫蒞事卽取邑乘以攷風俗稽文物審民情而檢閱舊志乃故明肅廟時兩曲王先生所作去華斥浮崇尚古朴然未免失之太簡至隆萬以降迄我

朝鼎定以來百餘年間興廢損益之事湮沒無傳不禁置書與嘆慨然有踵事之思然而難言之蓋數年以來水旱頻仍閭井蕭條而軍興孔亟上有難緩之征下多宿逋之課則催科爲難考成嚴切吏懷痼瘼之隱國無可捐之賦則撫字爲難鴻雁興歌而楚多曠土則難在招

卷之二

舊序

四

致安宅甫集而家無擔儲則難在拊循且也岩險有分防之卒瀕河有牧馬之師兵民雜處則調劑之爲難至聽無情之訟修累廢之工則鉤距整頓之亦難積此數難謫劣如麟任過不遑何暇從事文墨附著作之林乎雖然邑有志猶國有史上臺屢檄徵之業已殘闕而不亟爲修明其何以昭宣往昔開示來茲乎茂陵徐令開熙爲浙西名宿謝事之餘欲探紫雲玉女之勝空谷足音蹙然及我請益之餘因以志事相托徐令任之不辭而邑中碩學數人相與朝夕共襄厥事於是詳稽往籍博採羣言麟亦不辭鄙陋簿書之暇時詣商訂辨訛存實彙次而新之凡有係於邑者罔不取列焉夫古今時

勢不同事宜各異故畫分野原山川奠城社巡災祥使後世有所考核定賦稅稱丁徭著防禦記興作使後世有所率循叙官師表名宦崇先達使後人知所觀感錄醇修圖幽芳載藝文使後人知所興起神而明之固有望於上臺之聲正與後之君子聿加詳核云爾書成凡十卷事肇於夏六月而竣於冬十月同事者爲趙子衡俊楊子實儒王子藻焦子濃劉子運昌趙子始復表子凌鳳蔡子國藩史子垂憲劉子唐皆士林僑胥也康熙三年十月望日臨安路鍾麟識

孟子曰諸侯之寶三土地人民政事夫縣古侯國也諸事物無出乎此故縣志以此爲綱其目有山川因地體

縣志卷之一 舊序

五

而建縣城池古蹟公署祠祀寺觀雖人謀亦皆地載者故綱以土地官師有位之人民之師帥也人才固編民中出也故綱以人民田賦政之大者物產屯田水利橋梁風俗非政不能以裁成故綱以政事凡綱三目一十有五志舊載者雖廢悉錄而今所續者皆徵諸古碑往籍故老相傳雖同辭亦不敢指實舉以疑者自愧煩陋以始述不敢晦略俟後作者可參考焉
明嘉靖四十二年六月邑人王三聘識

補修邑志序

邑史所以信今而傳後也自大綱以及細目不容畧而弗載矧士大夫之爲民望者乎蓋厘之有志仿自有明而因而修之者爲

本朝駱章鄒楊諸君子其山川土地之美城郭溝渠之固人民政事之蹟因事考詳隨時纂輯宜乎其無不備矣最後爲新城楊公公之修此志也在乾隆乙巳迄今歷十年所而其損蝕破壞者不下四十版余承乏茲邑公餘之暇披而閱之未嘗不嘆修舉之難而嗟廢墜之易命匠補刊俾無殘缺且聞之選舉科內壬申則輩君兆蘭與晏君士仁並舉孝廉斯編所載僅存輩而遺晏豈

縣志卷之二 新序

一

士之有幸有不幸乎抑採訪者之所當增入也竊惟國家文治之隆人才之盛蒸蒸日上寧獨二曲之間可以指數然余自戊申以來親見夫歌鹿鳴登賢書者已比比若是是宜表而尊之夫士之達於政也久矣昔人云學古入官又曰學優則仕他日之治國經邦卽此日之鄉舉里選邑乘之志載豈淺鮮哉則夫官斯土者其學成而來也守其山川土地修其城郭溝渠治其人民政事而使邑人誦之者尤爲當志云爾
乾隆五十八年四月吉旦黟陽鄧秉綸謹誌



重修盤屋縣志姓氏



縣 楊儀承修

江蘇鎮洋 王國沃 編輯

儒學 教諭 李登衡 彙編

訓導 邵錫霖

縣 丞 熊儀東 同校

典史 周之綱

邑紳士

王永 趙鵬飛 徐尚質 高文清

張泗 王縉 呂芳 李先登

張我謨 侯憲 張元龍 強名震

丁南陽 尙梓 馬毓驥 傅萬青

安吉士 樊兆麟 朱存道 王耆禎

辛元 任兆熊 王經邦 張鶴鳴

張世祿 趙鴻 谷生苓 朱閑道

司鎮藩 齊紹呂 惠榆 李敬修

蘇士琰 王棲鳳 王懷珍 蕭琰

袁儒 王朴 劉仲 郝遇

朱依中 馬步月

採訪

金成已 張守和 張養相 王世春 校刊

補修監工

趙适

盤屋縣志

凡例

一此志標目共十有四并方外列女與舊志同而比事屬

辭增減大有差別蓋自己已迄今已歷三十六年之久

其間廢墜孔多修明不易於是徵文考獻彙萃成編此

其所以有增也然或事非經証鄒志穆王冥 仙女之類迹涉鄰封

舊志甘泉官黃陽官之類與夫下劣詩文鄒志十二卷十澆滴習俗

舊志端遊經札肝花之類則又剝去無遺為補為刪大指如此

一首志地理不紀天文者前人論之詳矣蓋禹貢雍州井

鬼是其分野而入井度者則有雲中定襄雁門代郡太

原入鬼度者則有上黨井鬼非獨秦分也矧盤屋之於

全秦應天文直微辰耳故略之

一志地理及古蹟並仿樂子正太平寰宇記宋次道長安

志必註所據之書者昔賢所謂惟恐其不出于人也

一所志名山大川大半本諸通志而渠堰水利關係民食

尤重舊無圖說今薈萃水老所繪現有諸渠列為全圖

載之卷首源流支幹無不瞭如指掌而渠名或特起或

因見悉隨舊文惟於新旺者補著加詳舊有今無者附

名於後其府志章志鄒志互有異同者俱條辨拾遺卷

中

一舊志職官或有其人而失載如唐時戴休琬李曾等十

一令尉是也或非其人而誤引如宋時何承裕之譌為

趙隣歲是也夫以戴李之賢而不得入名宦祠亦豈爲舊志所誤矣萬一後人不察或反置隣歲于祠內豈非千古笑端增改自不容已

一舊志地理古蹟人物兵事所引故實紛紜外錯不可枚舉今悉據史傳改正稍有不類必註明出自某書使閱者按籍以稽正訛立見信今傳後或在於斯若謂性好非毀意屬矜張則吾豈敢

一有舊分而今合者職官之與名宦也名儒儒林舊分今合有舊合而今分者風俗之與物產也又舊志有典禮一卷曰祀典政典今依武功志例易祀典爲祠祀凡古今祠宇散見於他卷建置古蹟中者悉以類收入其政典則竟從刪去

蓋屋縣志卷之一 凡例

一建置職役職官選舉凡在乾隆己巳以後者悉按冊增入而於孝義節烈諸條必矜慎選錄不濫不遺并增鄉飲賓介姓名于耆壽後以補前書之未備

一舊志第八卷中虛標仙釋之目其實有仙而無釋今據南華改稱方外仍於傳記中採取僧伽數人以補其闕又有山名九華仰觀音山乃從來未入邑志者近有里民繪圖呈縣附名山後其文則仿伽藍西域諸記較他處爲特詳在卷中爲變格

一藝文中名人題詠亦時附見于山川古蹟諸卷中取其便于觀覽府志已然亦非創格

一舊志有雜記一卷文不甚雅馴今改爲拾遺第就各卷


中所闕佚者而類及之而於裨官野乘新奇可喜之事不多採入蓋惟恐亂聞見之真非獨矯前人之失也

一此志近事訪諸縉紳往事稽諸載籍他若黃冠緇衲亦備諮詢太白僧李樓觀道士師所言有足採者貝葉琅經胥供拮據而成終創始大令實綜其全公餘過從折衷今古卷中間有手著處議論風發意思深長攬全帙自能辨之


鎮洋王開沃識

蓋屋縣志卷之一 凡例


縣境全圖





縣城
仙遊寺
黑水谷
沙河
元帝廟
鎮界
西至柳縣界
東至鎮界



縣治圖
南
西壇
元帝廟
烈節祠
瑞光寺
馬子廟
迎仙樓
武成塔
白龍潭
北壇



縣城
甘河
泥河
黑河
藍河
田河
鎮南終
鎮川陸
店務
東至柳縣界
西至武河
東南至柳縣界



按唐書宰相世系表郝氏出自郝省氏太昊之佐也

商帝乙之裔孫期封於太原之郝鄉因以為氏與說

文異侯考

周為王畿地

宋王希先方域譜詩曰邦畿千里周時雖未有蓋屋之名而其地去豐鎬甚近故云王畿

按周時有豐國左傳豐文之昭也杜預注在鄆縣東又有崇國鄭樵志在鄆

北皆畿內諸侯此地或屬周或屬二國均未可知

秦為內史地

漢書百官表內史周官秦因之掌治京師通鑑注秦

內史兼治三輔地三十六郡內史其一也

按舊志謂平王以岐豐之地賜秦襄公岐即今岐山

縣豐在今鄆縣東則豐邑之西襄公時已為秦有其

實不然据竹書紀年秦文公大敗戎師於岐來歸岐

東之田史記亦云秦文公十六年伐戎敗走遂收

周餘民有之地至岐岐以東獻之周以今疆域証之

郿及蓋屋並在岐東秦猶未能据其地而有之也岐

東之屬秦其在寧公徙平陽時與郿之平陽

漢為蓋屋縣屬右扶風

漢書地理志右扶風故秦內史高帝元年屬雍國二年

更為中地郡九年復罷為內史武帝建元六年分為右

內史太初元年更名主爵都尉為右扶風蓋屋屬焉

北周置周南郡蓋屋屬焉

杜氏通典宜壽漢蓋屋縣武帝置通考同

東漢省

章志東漢光武省入武功

按後漢書馮異傳蓋延據蓋屋時光武建初三年也

此後始罷元和郡縣志云凡前志有縣今所不載者

皆世祖所省

魏晉省

洪亮吉補三國疆域志扶風郡魏去右字領縣七無蓋屋

按元和郡縣志扶風蓋屋晉武帝時復立今考晉扶

風無此縣名蓋武帝後又廢也

又按章志鄆志俱云東漢後省入武功而元和郡縣

志鄆縣下有駱谷道有姜維嶺今谷與嶺皆在蓋屋

豈蓋屋省入鄆縣與非也蓋駱谷雖入鄆縣壤地自

屬武功不相妨礙也

後魏復置蓋屋縣屬扶風郡關內周咨錄北魏置扶風郡治好時

地形志真君七年置蓋屋縣併武功屬焉鄆廢為縣

按世祖太平真君七年并始平郡入扶風郡領縣五

有好時美陽始平槐里及蓋屋而無武功蓋省武功

入蓋屋也章志鄆志皆云併入武功非是

西魏為蓋屋縣

通志後魏蓋屋屬扶風郡西魏因之周咨錄西魏扶風郡治始平

北周置周南郡蓋屋屬焉

北周置周南郡蓋屋屬焉

〔通典〕後周從鄆縣西北移於今所置周南郡又割雍州之終南郡於此置恒州領周南郡後廢州三年移蓋屋縣於此

〔太平寰宇記〕武帝天和二年移於今鄆縣西北三十五里建德三年移於今所置周南郡

〔隋書地理志〕後周有倉城温湯二縣尋並廢

按隋書長孫熾傳建德二年授雍州倉城令尋轉蓋屋令卽此又按隋志蓋屋有温湯故周以名縣

隋爲蓋屋縣

〔隋書地理志〕京兆郡領蓋屋縣

〔章志〕隋廢周南郡以蓋屋隸京兆

蓋屋縣志卷之一 沿革

四

唐爲蓋屋縣又爲宜壽縣

〔舊唐書地理志〕蓋屋隋縣武德三年屬稷州貞觀三年

還屬雍州天授二年屬稷州大足元年還雍州天寶元年改爲宜壽縣至德三年三月十八日復爲蓋屋

〔新唐書地理志〕武德三年以武功好時蓋屋及郿州之

郡鳳泉置稷州貞觀元年州廢以蓋屋武功隸雍州天

授二年復以武功始平奉天蓋屋好時置稷州大足元

年州廢又云鳳翔府蓋屋縣本畿武德二年析置終南

縣貞觀八年省天寶元年更名宜壽至德二載復故名

乾寧中隸乾州天復元年來屬

〔雍大紀〕武德二年於蓋屋故城置終南縣

五代皆爲蓋屋縣

〔通志〕梁開平中隸大安府〔職方考〕梁改京兆曰大安

蓋屋隸〔劉劼傳〕劉知俊陷長安太祖遣劼討之知俊

奔鳳翔太祖乃以長安爲永平軍蓋屋又隸

〔通志〕後唐隸京兆府

〔太平寰宇記〕唐同光元年蓋屋割屬鳳翔

〔通志〕後晉天福元年蓋屋縣屬鳳翔府北漢及周仍隸

鳳翔

宋爲蓋屋縣更置清平軍

〔宋史地理志〕鳳翔府蓋屋次又云清平軍本鳳翔府

蓋屋縣清平鎮大觀元年升爲軍置終南縣隸京兆府

蓋屋縣志卷之一 沿革

五

〔通志〕析縣西界置軍蓋屋仍屬鳳翔

又按宋高宗本紀建炎四年金人拔終南縣紹興十

年金人犯蓋屋縣兩縣並見蓋徽宗雖置清平軍及

終南縣而蓋屋舊縣仍不廢云

金終南縣隸京兆府蓋屋縣隸鳳翔府復置恒州

〔金史地理志〕京兆府上終南宋清

又鳳翔府中蓋屋南至巡馬道二十里貞祐四年升爲恒州

以郿縣屬焉通志恒州〔關內周咨錄〕金廢清平軍而蓋

屋終南並如故

按資政錄云金恒州仍屬鳳翔府今考金史馬慶祥

傳元光元年元兵攻鳳翔慶祥戰死事聞詔贈恒州

刺史又酷吏傳蒲察合住以吏起身出爲恒州刺史
既設刺史又屬鳳翔者以當時鳳翔爲總管府故耳
又按清平軍自宋徽宗置至金章宗廢凡八十餘年
明昌以前一軍二縣皆仍宋舊矣

元屬奉元路

元史地理志至元初併終南縣入盩厔皇慶元年改安
西爲奉元路 盩厔 下屯田九百 三頃有奇

王三聘舊志元初爲恒州終南縣仍爲盩厔縣隸奉元
路後省州以縣屬安西路 至元十六年改 京兆爲安西

按陝西通志云金置恒州尋廢又引元史地理志云
元廢恒州其說兩岐且元志亦無廢恒州之說惟王

蓋屋縣志卷之一 沿革 六
志云元省州與一統志合 志云元 當從之 初州廢

明屬西安府

明史地理志洪武二年三月改奉元路爲西安府 盩
厔 府西 一統志雍大紀並同

疆域

一統志府西南一百六十里東西距一百五里南北二
百九十里東至鄠縣界六十五里西至鳳翔府郿縣界
四十里南至興安州 今升 爲府 石泉縣界二百四十里 舊縣 志南
四百里至洋縣 北至乾州武功縣界五里東南至鄠縣
界五十里 舊縣 志東 西 二 百 里 至 西 南 至 漢 中 府 洋 縣
界五十里 石 泉 縣 界 地 名 五 里 至 西 南 至 漢 中 府 洋 縣
界二百里 舊 縣 志 西 南 三 百 三 十 里 西 北 至 武 功 縣 界

三十里 舊縣 志西北三十里至 扶風縣界地名柳樹村 通志編戶四十里

形勢

沈亞之盩厔丞廳壁記道通巴漢三蜀南極山不盡三
十里北阻渭短長之補與南而近其野半爲澤麓

通志谷水繞其東溝阜阻其西南山疊拱北渭帶流

鄭志渭水爲帶終南爲屏漢洋連界關隘險峻郿鄠接
壤土膏沃潤

名山

終南山 淮南子作中廛山 括地志一名橋山一名 楚山一名秦山一名周南山一名地肺山

舊志在縣南二十五里東接郿縣西接郿界枝峯別嶺
隨地異名

通志東西連亘藍田咸寧長安郿盩屋五縣境
潘岳關中記其山一名終南言在天之中居都之南故

曰中南

辛氏三秦記其山從長安向西可二百里有石室靈芝
按禹貢錐指云終南之名見於秦風小雅則稱南山

不一而足南山謂都南諸山終南太一在焉古稱終
南止於盩厔辛氏所謂長安向西可二百里是也

南山圖經焦溪河至楓香樹七十里至盩厔縣界三百
九十里 狐狸溝分盩厔洋縣界至楓香樹四十五里

洋縣一百二十里 黑虎梁分盩厔洋縣界 紅巖山
分盩厔五郿界 柯家山盩厔石泉界至楓香樹二十

五里石泉縣一百六十里 楓香樹建城處至盤屋應
嶽焦溪河界七十里 三河口至楓香樹四十里至盤
屋四百六十里

〔北周宇文昶陪駕幸終南山詩〕堯蓋臨河穎漢蹕踐華
嵩日旂翹北鳳星旆轉南鴻青雲過宣曲先駟背射熊
金桴拂泉底玉珩吹雲中古轍稱難極新途或易窮烟
生山欲盡潭淨水恒空交松上連霧修竹下來風仙才
道無別靈氣法能同東棗羞朝座西桃獻夜宮詔令王
子晉出對浮邱公 〔唐楊師道賦終南山同風字韻應
詔詩〕睿言懷隱逸輟駕踐幽叢白雲飛夏雨碧嶺橫春
虹草綠長楊路花疎五柞宮登臨日將晚蘭桂起香風

盤屋縣志卷之二 山川

八

以射熊館長楊五柞 俱在縣境故錄二詩 劉長卿 別墅在南溪 和中丞

出使恩命過終南別業 不過林泉久多因寵過偏故山

長寂寂春草過年年花待朝衣問雲迎驛騎連松蘿深

舊閣樵木散閑田拜闕貪搖佩看琴懶著弦君恩催早

入己夢傳巖邊 〔盧允言和考功王員外抄秋憶終南

舊居詩〕允言曾居盤屋 靜憶溪邊宅知君許謝公曉霜凝未却

初日照梧桐澗鼠喧藤蔓山禽窺石叢白雲當嶺雨黃

葉繞堦風野果垂橋上高泉落水中歡榮來自間羸賤

往會同月滿珠藏海天晴鶴在籠餘陰如可寄願得隱

牆東 〔孟東野終南山下作〕見此原野秀始知造化偏

山村不解陰流水自雨田 〔惟二山〕家家梯碧峯門門鎖

青烟因思蛻骨人化作飛桂仙

太一山

〔康海武功縣志〕太一山屬盤屋

〔孔安國尚書傳〕終南一名太一山

〔五經要義〕太一亦名終南山

〔漢書地理志〕太一山古文以為終南山

〔福地志〕終南太一山在長安西南一百五十里有玉堂

陽宮 〔自孔傳以下皆以終南太一為一山〕

〔張衡西京賦〕于前則終南太一薛綜注二山名

〔潘岳西征賦〕云面終南而背雲陽又云太一龍旋李善

注太一與終南別山

盤屋縣志卷之二 山川

九

〔明一統志〕太一山去終南山二十里 〔自張平子西京賦

一為二山〕

按終南太一或以為一山或以為二山聚訟紛紜難

以臆斷至馬氏陝西通志直以太一為今之南五臺

則又不在盤屋縣境矣今從武功志

方白山

〔蜀杜光庭嶽瀆名山記〕方白山德元洞天五百里在盤

屋境 〔疑即終南太一之別名或云即太白山乃傳寫之

誤然太白山在郿縣非盤屋境內所有則非太白

知太上所現 〔疑即唐元宗

鄠志在縣西南

傲山

鄒志在縣南其峰最高以其可傲衆山故名趙子函嘗取以名其樓

三台峯

鄒志在縣東南二十里端正秀麗迥異羣峯

韋谷

長安志在縣西南五十里與郿縣接界俗稱爲泥谷其水自南山流下至青化店府志正流西逕郿境支流東引爲韋谷渠今澤又南

二十五里爲掃帚嶺北十里爲倉谷鄒志有玉女泉灌田百餘畝又

北有故縣谷東五里爲安樂山鄒志山有馬跑泉又三里爲火

爐山又東七里有底保谷今名車谷又南十五里爲翠峯巔

翠峯巔

鄒志作有唐仙姑祠俗名青山巔巔廟谷東三里爲強弩谷今名

耐山又東四里爲駱谷兩曲志韋水東北十二里下

入溝爲竹谷有泉灌田百餘畝

賈浪仙題竹谷上人院詩禪庭高鳥道迥望極川原樵

徑連峯頂石泉通竹根木深猶積雪山淺未聞猿欲別

塵中苦願師貽一言溫飛卿題竹谷神祠蒼蒼竹谷晚

一徑入荒祠古廟風吹馬虛廊日照旗煙煤朝奠處風

兩夜歸時寂寞東湖客空看蔣帝碑神者長安志云將軍蒲城亦有祠

駱谷

鄒志在縣西南三十里又南八十里爲十八盤又南七

里至河底爲改駱谷關通洋縣

明史地理志蓋屋駱谷長四百六十里谷口有關谷中有十八盤

元和郡縣志駱谷道漢魏舊道也武德七年復開以通

梁州在今關北九里

杜氏通典漢中至長安取駱谷路凡六百五十二里

玉海南山大谷凡六路其一也

九域志唐設五谷防禦使五谷法見紀事

雍大紀入蜀漢道南曰駱谷從洋縣入

讀史方輿紀要儻駱道南口曰儻在洋縣北三十里北

口曰駱在蓋屋西南一百二十里谷長幾五百里其中

蓋屋

路屈曲凡八十四盤近駱谷有關家洞

西安府志谷之東五里爲辛口谷東有黑鳳山鄒志山腰有清涼寺有塔一座又東二里爲虎谷又東二里爲熨斗谷又東五

里爲黑水谷

杜工部三絕句之一云二十一家同入蜀惟殘一人出

駱谷自說二女鬻臂時回頭却向秦雲哭嘉州酬成

少尹駱谷行聞君行路難惆悵臨長衢豈不憚險艱王

程刺相拘憶昨蓬萊宮新授刺史符明主仍賜衣價值

千萬餘何幸承命日得與夫子俱携手出華省連籠赴

長途五馬當路嘶投節投樹都干巖信縈折一徑何盤

紆層水滑征輪客竹礙隼瑣深林迷昏旦棧道凌空虛